

蛻貞

巖居

詞詞

冊全

卷一

卷二

卷三

卷四

卷五

貞居詞

四時辭要

四部備要

集部

上海中華書局據彊邨叢
書本校刊

桐鄉

陸費達總勘

杭縣

高時顯輯校

杭縣

吳汝霖之監造

貞居詞目錄

摸魚兒 二

風入松

朝中措

蘇武慢

賀新郎

木蘭花慢 五

瑤花慢

百字令 二

宴山亭

八聲甘州

燭影搖紅

石州慢

水調歌頭 三

滿庭芳

鳳凰臺上憶吹簫

滿江紅 二

雪獅兒

望梅花

踏莎行 三

南鄉子

蝶戀花 三

浪淘沙

茅山逢故人

殿前歡

早春怨

如夢令

三

漁父詞

二

太常引

二

定風波

憶秦娥

二

水龍吟

梧葉兒

二

鷓鴣天

喜春來

補遺

東風第一枝

柳梢青

貞居詞

句曲 張 雨 伯雨

摸魚兒雙蓮一榦爲人折去仲舉邀予賦之
問淩波並頭私語夜涼誰共料理柔情早被鴛鴦妒
怕擊水晶如意香旖旎待微雨清塵略爲新妝洗騷
辭漫擬搴木末芙蓉同心輕絕未說已先醉 空折
損又墮偷香夢裏藕絲不斷新脆吳娃小艇無蹤迹
也怪半池萍碎還略記是月冷鷗眠鷺宿曾驚起高
荷恨倚總回首西風露盤輕瀉清淚似鉛水

又和王平軒

看棋枰一番換局山中知幾朝暮舊時王謝堂前燕
都付後人懷古胡琴語索燕寢凝香此日天應許甘
回味苦笑老子癡頑胸中色線終爲袞衣補 投簪

去正有小山叢桂歸來依舊爲主春江賸釀番江淥
門外儘多來屨高陽侶慣踏醉狂歌驚起星河鷺花
枝爭舞語蘭玉堦前穠纖依約猶染斷縑素
風入松壽吳大宗師

羽衣能補舜衣裳閒看雲忙宣文奎畫龍珠護□家
山輝映琳琅天上重逢初度仙韶錫宴非常滿朝
人道魯靈光合佩金章丹牙修出纖纖月看年年王
斧吳剛不枉盤根壽櫟要扶宗社靈長

朝中措早春書易玄九曲新居壁

草堂移住古城隈堂後水平階要結柴桑鄰里不須
鷗鷺驚猜行廚竹裏園官菜把野老山杯說與定
巢新燕杏花開了重來

蘇武慢至正八年夏和虞道園

清露晨流新桐初引消受北窗涼曉經卷熏鑪筆牀
茶具長物任他圍繞老子無情年光有限只似木人
花鳥指凝雲數朵奇峯曾見漢唐池沼還自笑待
老學蟬魚金題玉躡書裏也容身了阿對泉頭布衣
無恙占斷雨苔風篠獨鶴歸來西山缺處掠過亂鴉
林表舞琴心三疊胎仙坐到月高山小

賀新郎戲次仲舉韻

金屋書中有爲錢塘佳麗待尋歡偶記得朝雲前日
夢伏事東坡最久且不是郡無官守日日湖中公事
了更成圍妓女隨車後翁兩鬢禿如帚老來莫負
簪花手比佳人難得靈芝三秀此夕燈花何太喜便
用買紅纏酒催看箇肩輿迎取有子平生千萬足看
明年墮地於菟走挂冠去學疏受

木蘭花慢己未十月十七日壽溪月真人

試瑤臺借雪春意早滿林巒笑東老殷勤能傾家釀
與盡清歡曾因求賢把詔便朗吟湓浦又廬山自愛
西湖煙雨玉鞭分付青鸞 神仙官府肯容閒樞要在
玄關有溪上金鰲月中金粟長駐嬰顏願似洪厓
橘尤儘千年遊戲向人間早晚鳳池書到通明殿上
催班

又和馬昂夫

想桐君山水正睡雨聽淋浪記短棹曾經煙邨晚渡
石磴飛梁無端故人書尺便夢中顛倒我衣裳此去
釣臺多少小山叢桂秋香 青蒼秀色未渠央臺榭
半消亡擬招隱羊裘尋盟鷗社投老漁鄉何時扁舟
到手有一襟風月待平章輸與浮丘仙伯九皋聲外

滄茫

又秋詞

看秋容漸好一番雨一番涼試點檢吾家小山叢桂
金粟都黃濤江限他吳越便胥魂不似向時狂眼底
龍飛鳳舞夢中狐嘯鴟張茫茫今古總堪傷歌罷
意難忘甚老矣嵇生五絃揮手怕聽清商淵明平生
師友白衣人借與我持觴若問醉翁年紀指渠松柏
高岡

又和黃一峯聞箏

盡彈箏仕女會銀甲驟冰絃看蟬影傲傲鶯聲歷歷
鴻陣翩翩哀音暮年多感奈對花對酒更聞鶻卻恐
乘雲飛去纏頭嬾住非煙烏絲綴譜倩陳玄雅調
爲誰傳嗟江上峯青湘皋木落與挾飛仙正須絲竹

陶寫儘勝渠槌拍事枯禪莫負金尊皓月難留錦瑟
華年

又龜溪寄張小山

問出山小草誰與伴五湖游便憶昔風光桃花流水
杜若芳洲來時洞門無鎖倩鶴羣長繞侍仙樓邂逅
小山招隱依然我輩清流 春愁相戀住餘不寒擁
敝貂裘奈雨柳煙花雲帆溪鳥都在簾鉤眼前自無
俗物動山心嫌聽鹿呦呦猛把石闌干拍賈胡知爲
誰留

瑤花慢賦雪次仇山邨韻

篩冰爲霧屑玉成塵借阿姨風力千巖競秀怎一夜
換作連城之璧先生閉戶怪短日寒催駒隙想平沙
鴻爪成行□似醉時書迹 未隨埋沒雙尖便淡掃

蛾眉與鬪顏色裁詩白戰驢背上馱取灞橋吟客撚
鬚自笑儘未讓諸峯頭白看洗出宮柳梢頭已借淡
黃塗額

百字令壽玄覽真人次黃一峯韻

橙黃橘綠占一年好景人閒真樂玉麈金黿相對峙
如我視今猶昨珍重留侯招邀黃石俱赴蟠桃約一
卮仙酒得陪三老斟酌 總道獨綰銀章重披宮錦
有自家天爵八表明年身更健胸次遙天恢廓春小
花繁溪清月皎都付延年藥洞霄仙侶更添一箇仙
鶴

又四月四日爲王國輔生日作

紅蓮一舸向游仙夢裏步虛金闕朝罷香煙攜滿袖
初度玳筵重設玉軸琵琶金瓶芍藥都在春風列天

然清貴樵林自愛晴雪 笑說奉母閒居吾非巧宦
未信潘郎拙戲引鴛雛香徑底好在雙珠明月錦繡
樓臺燕鶯簾幙垂柳青絲結金籠放鴿年年飛絮時
節

宴山亭賦楊梅

鶴頂朱圓豐肌粟聚寶葉揉藍初洗親翦翠柯遠贈
筠籠脈脈紅泉流齒骨換丹砂笑尙帶儒酸風味誰
記曾問譜西泠綠陰青子 君家幾度尊前摘天上
繁星伴人同醉纖手素盤歷亂殷紅浮沈半壺脂水
珍果同時惟醉寫來禽青李爭似爲越女吳姬染指
八聲甘州舟次垂虹寄玄洲許道民

柳洲冰未浣奈春寒仙風引歸槎渺雲岑天末煙江
雨外猶認芳華獨酌瓦甌篷底誰與飯胡麻疑聽松

風響水宿蒹葭 天上春愁鶴髮許一庵閒地壤衲
雙鬢笑清狂無賴痼疾是煙霞念葛洪移居辛苦甚
左郎容易問丹砂憑傳語空山流水深護桃花
燭影搖紅紅梅

休擊珊瑚怕驚么鳳枝頭睡看花猶自未分明雪在
雲堦砌步障齊奴故里儘一幅仙人絳袂研丹吮粉
擬覓生綃芳心難寄 姑射肌膚朝霞散入春風髓
石橋冰酒影娥閒略約相逢地錯妒嫣然嫵媚奈兒
家天寒翠被碧桃和露聽徹吹笙綠珠羞墜

石州慢和黃一峯秋興

落日空城禾黍夜深砧杵纔歇怪他蘿薜絺衣風露
潤滋涼挾清愁多少只消目送飛鴻五絃已是心悲
咽把酒問青天又中秋時節 聞說謫仙去後何人

敢擬酒豪詩傑草草山窗還我舊時明月書帷冷落
庭紅葉

水調歌頭盆荷

江湖渺何許歸興浩無邊忽聞數聲水調令我意悠然
莫笑盆池咫尺移得風煙萬頃來傍小窗前稀疏
淡紅翠特地向人妍華峯頭花十丈藕如船那知
此中佳趣別是一壺天倒挽碧筩釀酒醉臥綠雲深
處雲影自田田夢中呼一葉散髮看書眠

又爲初心真人七袞初度時延祥有賜田之命

瑞靄延真館春滿瑞真家絳縣老人年紀更奈紫髯
何前日黃華迎賜賜予青氎舊物田野總謳歌報貺
啓金籙笙鶴恰來過問蟠桃花結實樹交柯今朝

佳氣五雲都在牡丹坡何物可爲公壽直比心如明月清鏡閱人多於此看勲業銅狄細摩挲

又贈都料邵子和還嘉禾

別有梓人傳精藝奪天工便使玉人雕琢妙手略相同寶殿網珠窗戶華蓋狻猊牀座金碧鬬玲瓏花萼閒芝草細縷一重重看揮斤除鼻堊運成風多少巧心奇思舞鳳更翔龍縱使棘端猴小與刻三年楮葉難比錦心胸快袖吳剛斧修取廣寒宮

滿庭芳重九次趙侯韻

湖曲荒煙石林斜日笛聲淒斷山陽孤懷無託只用醉爲鄉回首西風黃落儘輸他松檜青蒼相思處書題新橘還待滿林霜人生難會合良辰孤負把菊傳觴便三人對月獨自清狂正爲楚音空谷天遠近